



Polizia Nazionalak
EAEko plantilla
handitu dezakela dio
Angel Olivaresek / 8



«Emakumeok indar
handia dugu egoera
aldatzeko», dio Txaro
Arteagak. / 13



Kelkal hil ondoren
bera akusatzen dute
Parisko azken
atentatuez. / 17

EUSKALDUNON

Egunkaria

Igandea, 1995eko urriaren 1a / VI. urtea / 1.492. zenbakia / Salneurria: 110 pta. / 6 libera

ZINEMA

Latinoamerika Miarritzen

Kolonbia omenduaz aparte,
Latinoamerikako beste herrialde
batzuen produkzioa nagusitzen
ari da Miarritzeko Nazioarteko
17. Zinema Jaialdian. / 29

EAJ: «GAL ikertzearen aurka bozkatzeko eskatu dio PPk CiUri»

«PP izututa dago egin duenaz, eta telefonoz deitzen ari da Unio Democratica eta Convergencia-ko burukideei (Madrilgo Diputatuaren Kongresuan GAL ikertzeko batzorde parlamentarioa osatzeko PPk berak egindako proposamenari) aurkako botoa eman diezaioten». Honela dio Iñaki Anasagastik EGUNKARIARI eskaintako elkarrizketan. Diputatuaren Kongresuan EAJk duen parlamentari taldeko bozera- maileak adierazitakoaren arabera, PPk iragan asteartean GAL ikertzeko batzorde parlamentarioa proposatu eta hurrengo egunean «Goardia Zibila, Armada, Polizia, Fraga eta Martin Villa hasi ziren presionatzen, (PPkoei) zoratuta ote dauden galdetuz».


GAL ikertzeko batzordeak aurrera egiten badu PSOEkoei

egingo duten lehen gauza «Fraga Iribarneri eta Martin Villari deitzea izango da», dio Anasagastik. Bozera maile jeltzalearen ustez, inizatiba horren aurkako jarreraren sakoneko argudioa argi dago: «eskuinak ez du eskuina ikertzen».

Iñaki Anasagastik ikusten du, hala ere, Madrileko parlamentuan datorren ostegunean bozkatzeko den ikerketa batzorderako proposamena aurrera ateratzeko aukerarik. «Guk CiUkoei eskatu diegu alde bozkatzeko ez badute ere kontra behintzat ez bozkatzeko. CiUkoen abstentzioarekin aurrera atera daiteke proiektua», dio EAJko parlamentariak. Anasagastiren usteetan, ordea, «PPko diputatuak gai dira eurek proposatutako batzordearen alde botoa ematera ez joateko ere». / 6-7

Marokoar bat hil
zuen soldadua
gaur auzipetuko
dute Baionan / 10

Ikastolen aurtengo
Kilometroak gaur
egingo dira
Donostian / I-XVI



ANDER GILLENEA

Belodromo betean

Belodromo bete jende bildu zen Txiki eta Otaegi ETako militanteen fusilamenduaren XX. urteurrena bete dela-eta antolatutako «Euskaldunon Irrintzia» emanaldian. Espektakulu hunkigarria eta ETaren mezua, pantaila erraldoian bideoz emandakoa, izan ziren ekitaldirik arrakastatsuenak. / 5

Zakilixut, hamazortzi urte kazetaritzan

EGUNKARI honetako hirugarren orrialdean egunero —astelehenetan izan ezik— agertzen den Zakilixutek hamazortzi urte bete zituen ostiralean, urriak 29, umorezko kazetaritzan.

‘Egin’ egunkarian hasi zen lanean Zakilixut, eta duela bost urte pasatu zen gure orrialdeetara, tartean ‘El Diario Vasco-n’ urte batzuk egin ondoren. Zeinu desberdinetako garaiek eragindako pentsakizunak eraman ditu, egunez egun, aktualitatearen orrialdeetara. / 30-31



VOLVO

Erantzun segurua.

- ABS frenoak
- Aire egokitua
- Lagundutako direkzioa
- Airbag
- Kristal jasogailu elek.
- Sarraila zentralizatua
- Eserleku erregul. altueran
- Segurtasuneko koraza



Volvo Serie 400 1.8 i

— 2.800.000 pta.tik —

Auto-Suecia

GIPUZKOARAKO KONTZESIONARIO OFIZIALA

Jauregi auzoa, 76 (Galarreta frontoieraren ondoan)
Donostia - Hernani errepidean
Tel.: 33 11 31 - HERNANI